



# **Universitätsbibliothek Paderborn**

**Dissertationes De Actibus Humanis**

**Karchne, Simon**

**Augustæ Vindelicorum & Græcensis, 1716**

§. II. Libertas indifferentiæ probatur etiam ratione, ac refutatione  
Jansenisticorum Principiorum.

**urn:nbn:de:hbz:466:1-39981**

## §. II.

*Libertas indifferentiae probatur etiam ratione, ac refutatione Jansenisticorum Principiorum.*

453. Probatur igitur tertio, ratione libertas Indifferentiae necessaria ad merendum, & demerendum: si negetur libertas indifferentiae, ea quæ omnium consensu censentur prudenter fieri arguerentur imprudentiae, nam consensu omnium me ex industria laedenti prudenter indignor, sed si negetur libertas indifferentiae, arguerer imprudentiae illi indignando non minus, ac meritò imprudentiae arguo, si indignor me laedenti casualiter, ac ignoranter, quia negata liberrate indifferentiae, pari uterque necessitateme laederet. Unde talis indignabundus foret similis illi, qui à binis equis calce percussus indignaretur unius prælio.

Recurrere ad voluntatem Adami, in qua omnes peccavimus, & ex qua formes peccati in nos profluxit, proinde peccata, quæ à nobis propria voluntate admittuntur esse continuationem illius primi delicti, est perinde, ac nos etiam per cæcitatem, amentiam &c. peccati reatum incurre, quia etiam hæc derivantur à primo illo peccato. Vide num. 405. ubi contra Jansenistas ostendi ignorantiam invincibilem juris naturalis excusare à formalí peccato.

454. Jansenistæ ut occurrant argumentis contra sc̄ allatis tria excogitarunt

effugia apud P. Dominicum Viva ad propositionē 3. Jansen. damnatam ab Innoc. X. Alex. VII. ac Clemen. XI. 1705. 17. Kilendas Aug. Bulla. *Vineam Domini.*

Primum effugium est quod etiam voluntas nostra sit indifferentia potentia. Sit in hoc, quod voluntatis potentia sit flexibilis, & mutabilis, quatenus modò ad volendum facile inflectimur; non sit autem indifferentia actionis, quia quod in particulari volumus, id necessariò volumus. Contrà est, quod responsio hæc sit pura larva libertatis, re ipsa autem nulla libertas major ea, quam non negarunt Manichæi, Calvinus, Wiclephus, in sua propos 27. à Conc. Constant. & à Martino V. Censurata, in qua asserebat: *omnia de necessitate absolutâ evenire;* quid enim aliud est voluntatem non esse indifferentem indifferentia actionis, quam omnem actionem necessariam, atque adeò concatenatâ serie voluntatem necessariò volui de necessitate unius actus ad alium, quin ex parte voluntatis sit potestas in oppositum actum, sed illa Catena inevitabili, utpote non sita in optione libera voluntatis trahitur de actu ad actum, sed ubi nulla est potestas in oppositum actum, ibi nulla est indifferentia potentia, sed mera larva, dum obtruditur.

ditur pro indifferentia potentiae mutabilitas, ac flexibilitas voluntatis, hanc enim nullus Hæreticorum negavit.

455. Effugium secundum exprimit Jansenius lib. 6. de Gratia Salvat. c. 35. Scholastici, quando Synodus Tridentinam dicente, voluntatem posse dissentire si velit, putant & recte putant significari humani arbitrij libertatem. Sic etiam Intelligunt eadem prorsus ratione libertatem indicari, si diceretur voluntas posse velere, si velut posse non velle si nolit. Ex quibus manifestè patet, quod ex mente Jansenij Tridentinum attribuens libertatem homini, ac potentiam dissentendi gratiae, si velut homo, sit eo modo liber, sicut si diceretur de Beato necessitate ad amorem DEI, quod possit non amare DEUM, si velut, estò non possit id velle. Unde verborum illorum Trid. *Liberum arbitrium hominis DEO excitanti, atque vocanti posse dissentire, si velut sensus erit: rejici posse gratiam, quatenus eam abjiceremus, si vellemus, non posse vero rejici, quoniam velle hoc non possumus.*

Verissimum est, quod abjiceremus illam, si inesset nobis volitus abjiciens, at hæc est impossibilis pro tempore, pro quo delectatio Cœlestis, seu gratia viatrix, necessitat ad consensum, ergo absolute pro eo tempore non est liberum arbitrium: sicuti verissimum est claudum posse ambulare, dummodo ambulet, seu si ambulet. Verum quid juvat conditionata ambulandi potentia, si fractis cruribus non potest magis ambulare,

quam assumptis alis in Coelum avolare, seu si conditio, sub qua asseritur potentia, non sit purificabilis ab absolutè impotente. Quarè libertas hæc Jansenistica longè distat à libertate definitâ ut fidei articulus à Trid. ac ab August. propugnata citatis locis, & alibi, ut lib. 3. de libero arbitrio cap. 18. *Si laboriosum est omnia mandare memoria, hoc brevissimum tene: quaecunque est ista causa voluntatis si non ei resisti potest sine peccato ei ceditur; quis enim peccat in eo, quod nullo modo caveri potest.*

456. Effugium tertium, quod Posteritas Adæ careat nunc formalis, ac proximâ indifferentiâ in se ad bonum, & malum, hanc tamen habuerit in causa, nempe in peccato originali, ac in libertate peccantis Adæ, nunc autem in se habeat radicalem ac remotam, vi cuius si necessitas nunc impellens ad bonum auferretur, amplectetur malum, aut è contraria, quod sufficit ad vim merendi, ac demerendi.

Contra est primò, quod talem libertatem etiam concederint Calvinus, Wiclephus &c. & tamen sunt damnati in hoc ut Hæretici.

Contra est secundò, quod sublatâ necessitate ad bonum, voluntas amplectetur malum, in principijs Jansenij aliud non sit, quam quod voluntas soluta ab una catena adigente ad bonum stringeretur novâ adigente eandem ad malum: quo sensu etiam Beati sunt indifferentes ad peccandum. Hæc porro indifferentia non est activa, sed passiva meriti, ac demeriti incapax sine activâ definitâ nra. 450. hujus enim necessitatem Scriptura,

Con-

Concilia, Patres, & Scholastici exigunt ad merendum, & demerendum, inter quos Theologorum Princeps D. Th. q. 6. de Malo art. unic. ita differit: *Quidam posuerunt quod voluntas hominis ex necessitate moveatur ad aliquid eligendum, nec tamen ponebant, quod voluntas cogeretur: hæc autem opinio est hæretica, tollit enim, rationem meriti, & demeriti in humanis actionibus: non enim videtur esse meritorium, vel demeritorium, quod aliquis si ex necessitate agit, quod vitare non possit.*

457. Opponunt Jansenistæ. Primo actibus in nostrâ potestate constitutis meremur, & demeremur, sic enim sumus illorum Domini, proinde sunt nobis liberi, sed actus liberi à coactione, seu spontanei facti etiam sine indifferencia activa sunt in nostrâ potestate constituti juxta Aug. lib. 2. de lib. arb. cap. 3. illud inquit, *est in nostra potestate, quod cùm volumus, facimus, vel quod facimus si volumus,* Ergo. Respondeo majorem subsistere de actibus factis ex propriâ determinatione voluntatis contra necessitatem antecedentem, de quâ num. 448.

Opponunt secundò, libertatem DEI, quæ etsi sit perfectissima, attamen non est indifferens ad agendum, & non agendum, aliàs posset revocare, quod semel decrevit. Confirmatur ex Aug.

lib. de Nat. & Grat. cap. 43. DEUS exercet liberè suam justitiam, licet nequeat agere injustè, ergo sufficit ad libertatem immunitas à Coactione.

Respondeo DEUM in sua aternitate indivisibili priusquam quidquam decrevit agere, pro priori naturæ fuisse indiferentem, ut decernat actionem, aut non actionem, suppositâ determinatione ad actionem e. g. productivam mundi, hoc decretum est irretractabile, necessitate solum Consequente, cùm DEUS ratione suæ constantia, ac immutabilitatis semel decretum nequeat retractare.

Ad Confirmationem Respondeo DEUM justitiam suam exercere liberè libertate contradictionis (siquidem ita ponit liberè actum Justitiae, ut possit eum omittere) secùs libertate Contrarietas, aliàs esset liber ad actum injustitiae, consequenter posset peccare.

Opponunt tertio, Diabolum, quæ etsi necessariò semper male agat, attamen peccat, ergo ad demerendum non est necessaria libertas à necessitate. Argumentum est Calvini apud Bellarm. lib. 5. de Grat. & lib. arb. cap. 14. Respondeo Diabolum male agere non physica, sed morali necessitate, & ideo peccare, si physicè necessitaretur, aliqui apud Soarez lib. 8. de Angel. c. 10. negant eum peccare peccato formalí, seu imputabili, sed duntaxat peccato merè materiali.

### §. III.